

Fundur stjórnar Markaðsstofu Norðurlands

kl. 10:00 mánudaginn 4. apríl 2022, Hafnarstræti 91

Mættir stjórnarmenn: Steinunn Heba Finnsdóttir, Álfhildur Leifsdóttir, Hilda Jana Gísladóttir og Tómas Árdal varamaður. Sigrún Hulda Sigmundsdóttir var á fjarfundi. Viggó Jónsson formaður, Guðmundur Þór Birgisson, Örn Arnarson og Þorbjörg Jóhannsdóttir varamaður boðuðu forföll.

Starfsmenn: Arnheiður Jóhannsdóttir framkvæmdastjóri og Hjalti Páll Þórarinsson verkefnastjóri.

Framkvæmdastjóri stýrði fundi í fjarveru formanns.

Dagskrá:

1. Staða verkefna

Framkvæmdastjóri fór yfir stöðu helstu verkefna MN undanfarnar vikur.

MN stóð fyrir vöruþróunar- og samfélagsmiðlafundum nýlega á Húsavík, Mývatni, Þórshöfn, Akureyri og Ólafsfirði. Sams konar fundir voru fyrirhugaðir á Sauðárkróki, Skagaströnd og Laugarbakka, en þeim fundum var frestað vegna mjög dræmrar þátttöku.

MN stóð einnig nýlega fyrir örfundum um Norðurstrandarleið fyrir þátttakendur í verkefninu.

Verkefninu Ratsjóni er nú að ljúka, en 10 fyrirtæki á Norðurlandi tóku þátt að þessu sinni. Starfsmaður MN kom að verkefninu.

Ski Iceland ferð var haldin síðast liðinn fimmtudag, þar sem skíðasvæðin á Akureyri, Dalvík, Siglufirði og Sauðárkróki voru heimsótt. Ferðin tókst vel og fjöldi ferðaskrifstofa áttu fulltrúa í ferðinni.

Mannamót var haldið þann 24. mars. Góð þátttaka sýnenda og enn betri þátttaka gesta. Allir glaðir að hittast aftur og mikil jákvæðni meðal þátttakenda. Skoða þarf framkvæmd Mannamóta í samhengi við framlag allra Markaðsstofa.

Vinnusmiðjur eru framundan í München, Zurich og París, þar sem MN mun eiga fulltrúa.

Birdfair sýningin í Bretlandi verður haldin í júlí og mun MN taka þar þátt eins og undanfarin ár ásamt nokkrum fyrirtækjum á Norðurlandi.

Blaðamannaferðir eru komnar á fulla ferð. MN kom að stórrí bláðamannaferð frá Voigt Travel í mars sem tókst mjög vel. Í síðustu viku komu 2 blaðamenn til að skrifa um flugvellina á Akureyri og Egilsstöðum, ásamt því að sjá sýnishorn af áfangastöðunum. Á morgun er von á 2 í viðbót í sömu erindagjörðum. Einnig eru á ferðinni um Norðurland blaðamaður og ljósmyndari frá Svíþjóð þessa dagana. Svo er von á þýskum blaðamönnum í lok apríl.

Herferð um menningu og sögu er í gangi hjá MN

Nýr ímyndarbæklingur, Arctic Coast Way manual og Diamond Circle manual hafa verið gefnir út.

MN er að fara í útgáfu á nýju samanbrjótanlegu Norðurlandskort, sem mun koma í stað bókarinnar sem hefur verið gefin út í mörg ár. Er þetta í takt við það sem aðrar markaðsstofur hafa verið að gera. Jafnframt er fyrirhugað að gefa út borðkort, en í breyttri mynd þar sem áherslan verður fyrst og fremst á ferðamannaleiðirnar Norðurstrandarleið og Demantshringinn.

MN hefur staðið í upptökum undanfarið, aðallega myndir og myndskleið að vetri.

Sjálfbærniverkefni MN er komið í fullan gang og haldinn verður stór kynningar- og þátttökufundur um það verkefni 18. maí n.k.

MN tók þátt í aðalfundi SAF sem haldinn var 23. Mars.

Fyrirhuguð er vorhátíð á Norðurhjara þann 28. apríl n.k.

Búið að skipa nýjan formann Ferðamálaráðs og jafnframt er verið að skipa nýjan formann Flugþróunarsjóðs.

Framundan er samtal við Vegagerðina um vetrarþjónustu og vegabætur á Norðurlandi.

2. Flugmál

Hjalti verkefnastjóri fór yfir stöðuna í flugmálum.

Unnið hefur verið mikið með Voigt Travel undanfarið, m.a. blaðamannaferð, móttaka fulltrúa frá ferðaskrifstofu o.fl.

Einnig er vinna í gangi með Niceair varðandi kynningu á þeirra áformum til erlendra aðila. Útlit fyrir talsverða vinnu í kringum það næstu mánuði.

Norðaustur verkefnið (e. Nature Direct) – samstarf MN, Austurbrúar, Isavia og Íslandsstofu um kynningu á AEY og EGS – er í fullum gangi, m.a. móttaka blaðamanna sem skrifa fyrir factímarit um flug.

Verið er að ýta á stjórnvöld að koma upp bráðabirgða aðstöðu á Akureyrarflugvelli til brúa bilið þar til viðbygging við flugstöðina verður tilbúin.

MN og Flugklasinn munu standa fyrir ráðstefnu um flugmál á Akureyri 26. Apríl.

Útlit fyrir að Flugþróunarsjóður fái nýjan stjórnarformann fljótlega.

3. Fjármál

Framkvæmdastjóri kynnti stöðu fjármála MN. Flestir liðir á áætlun, sumir hlutir hafa farið hægar af stað í upphafi árs en gert var ráð fyrir, en útlit fyrir áætlaðir fjármunir muni nýtast seinni hluta árs vegna hratt vaxandi umsvifa í kjölfar Covid.

Mikið álag er á starfsfólki þar sem verkefnum er að fjölga hratt. Framkvæmdastjóri er að skoða möguleika á tímabundinni ráðningu þar sem einn starfsmaður er á leið í fæðingarorlof í sumar.

4. Undirbúningur aðalfundar

Framkvæmdastjóri fór yfir undirbúning fyrir aðalfund MN.

Aðalfundur verður haldinn á Akureyri 19. maí

Stjórn samþykkti að endurskoðun verði áfram hjá KPMG

Stjórnarkjör:

Sigrún, Heba og Örn eru að ljúka kjörtímabili. Því verður kosið um sæti 2ja stjórnarmanna á Norðurlandi eystra og eins stjórnarmanns á Norðurlandi vestra.

Viggó og Guðmundur eiga ár eftir af sínu kjörtímabili og sitja því áfram.

Þorbjörg og Tómas eru varamenn og kjörin til eins árs í senn. Því verður kosið um sæti eins varamanns á Norðurlandi eystra og eins varamanns á Norðurlandi vestra.

Umræður um skipunartíma sveitarstjórnafulltrúa.

5. Önnur mál

Hilda Jana áréttaði mikilvægi þess að verðandi sveitarstjórnarmenn séu vel upplýstir um starfsemi MN og helstu verkefni. Mikil endurnýjun sé framundan í sveitarstjórnnum.

Fleira ekki rætt og fundi slitið kl 12:15

Fundarritari HPP